

Verklagsreglur Þjónusturáðs Suðurlands vegna þjónustu stuðningsfjölskyldna

Fyrir Velferðarþjónustu Árneshvíls, Félagsþjónustuna í Árborg og Félagsþjónustu Rangárvalla og Vestur Skaftafellssýslu.

Samkvæmt 21. gr. laga um málefni fatlaðs fólks nr. 59/1992, með síðari breytingum og reglugerð um þjónustu við fötluð börn og fjölskyldur þeirra nr. 155/1995, skulu fjölskyldur fatlaðra barna eiga kost á þjónustu stuðningsfjölskyldna eftir því sem þörf krefur. Dvöl fatlaðs einstaklings hjá stuðningsfjölskyldu skal bundin í samningi og miðast við ákveðið tímabil.

1.gr.

Réttur til þjónustu og inntak hennar

Sveitarfélögum er skylt að tryggja að fjölskyldur fatlaðra barna sem eiga lögheimili í sveitarfélaginu eigi kost á þjónustu stuðningsfjölskyldna eftir því sem þörf krefur. Sú þörf er metin í samráði við foreldra barnsins og miðar að því að létta álagi af fjölskyldunni og auka félagslega þátttöku þess. Slíkri umsjá fylgir ekki krafa um sérstaka þjálfun eða hæfingu umfram þá daglegu þjálfun sem felst í almennum kröfum sem lúta að barnauppleði.

Þjónustan getur einnig staðið til boða fyrir fatlaða fólk sem er 18 ára og eldra.

2.gr.

Viðmið um stuðningsþörf og lengd þjónustu

Við mat á þörf fyrir þjónustu stuðningsfjölskyldu er horft til aldurs barnsins, eðlis og umfangs fötlunar og mats á stuðningsþörf, sem og félagslegra aðstæðna. Þjónusta stuðningsfjölskyldu miðast við sólahringþjónustu, en semja má um aðra tilhögun á framkvæmd þjónustunnar. Við mat á þörf og lengd þjónustunnar er stuðst við fötlunarflokka Tryggingarstofnunar ríkisins sem hér segir:

- Börn í fötlunarflokki 3, tveir sólahringar í mánuði.
- Börn í fötlunarflokki 2, tveir til þrjú sólahringar í mánuði.
- Börn í fötlunarflokki 1, tveir til fjórir sólahringar í mánuði.

Heimilt er að veita þjónustu allt að sex sólahringum í mánuði við sérstakar aðstæður. Sú heimild er aðsins veitt að undangengnu faglegu mati á aðstæðum barnsins og stuðningsfjölskyldu.

Við mat á þörf og lengd fyrir þjónustuna fyrir fatlað fólk eldra en 18 ára eða ef stuðningsfjölskyldan er veitt til fatlaðra foreldra skal miða við fötlunarflokka samkvæmt SIS- mati á stuðningsþörf, liggja það fyrir, sem hér segir:

- Fullorðnir í fötlunarflokki 1-4, tveir sólahringar í mánuði.
- Fullorðnir í fötlunarflokki 5-8, tveir til þrjú sólahringar á mánuði.
- Fullorðnir í fötlunarflokki 9-12, tveir til fjórir sólahringar í mánuði.

Heimilt er að veita þjónustu allt að sex sólahringum í mánuði við sérstakar aðstæður. Sú heimild er aðsins veitt að undangengnu faglegu mati á aðstæðum umsækjanda og stuðningsfjölskyldu.

3.gr

Val á stuðningsfjölskyldu

Val á stuðningsfjölskyldu getur verið með tvennum hætti. Annars vegar að leyfi sé veitt stuðningsfjölskyldu á grundvelli umsóknar þar að lútandi og hins vegar að tekin sé ákvörðun hverju sinni um að ganga til samninga við tiltekna fjölskyldu um að veita þessa þjónustu.

Félagsþjónusturnar skulu leitast við að velja stuðningsfjölskyldur sem hafa haldgóða þekkingu og reynslu af starfi með fötluðum.

Stuðningsforeldri skal hafa náð 20 ára aldri sé um ákvörðun vegna eins barns að ræða, hafa þekkingu á uppeldi barna, helstu fötlunum og mismunandi þörfum vegna fötlunar. Stuðningsforeldrið leggur mat á eigin þekkingu og lætur fylgja með umsókninni.

Félagsþjónusturnar skulu leitast við að veita stuðningsfjölskyldum fræðslu sem komið getur að gagni í starfi þeirra.

4.gr.

Leyfisveiting

Skilyrði fyrir leyfisveitingu stuðningsfjölskyldu er að umsækjandi skal hafa náð 23. ára aldri. Ef um hjón og sambýlisfólk er að ræða þá skulu þau sækja um saman.

Áður en leyfi er veitt eða ákvörðun tekin, skal félagsmálastjóri eða ráðgjafi í hans umboði meta aðstæður á heimili stuðningsfjölskyldu og skrifa greinargerð að loknu mati. Umsækjanda skal kynnt efni greinargerðarinnar og gefinn kostur á að koma að athugasemdum. Sé heimili stuðningsfjölskyldu staðsett utan lögheimilissveitarfélag barnsins, fer úttekt fram á grundvelli umboðs sem félagsmálastjóri lögheimilissveitarfélags barnsins veitir starfsmanni félagsþjónustu þar sem stuðningsfjölskyldan býr. Félagsþjónusta lögheimilissveitarfélags barnsins ber ábyrgð á framkvæmd þjónustunnar.

Heimilt er að veita leyfi í allt að þrjú ár í senn og skal þá að nýju leggja fram upplýsingar úr sakaskrá og upplýsingar um önnur atriði sem kunna hafa breyst. Á tímabilinu heimsækir fulltrúi félagsmálastjóra stuðningsfjölskylduna. Einstaklingsbundnir samningar um þjónustu stuðningsfjölskyldu skulu endurnýjaðir á 12 mánaða fresti. Greitt er fyrir 11 mánuði af 12 á almanaksárinu, nema kveðið sé á um skemmri gildistíma í samningi. Stuðningsfjölskyldu er skylt að tilkynna tafarlaust um allar breytingar á atriðum sem máli geta skipt við framkvæmd þjónustuna.

Ekki er heimilt að fela stuðningsfjölskyldu umsjón fleiri en tveggja fatlaðra barna samtímis nema um systkini sé að ræða.

Umsækjandi leyfis skal sækja viðurkennt námskeið í skyndihjálpslysum á börnum. Standi námskeið umsækjanda ekki til boða er heimilt að veita bráðabirgðaleyfi þar til hann hefur átt þess kost að ljúka námskeiði.

5.gr.

Gagnaöflun

Áður en leyfi er veitt eða ákvörðun tekin er eftirfarandi gagna aflað frá verðandi stuðningsfjölskyldu:

- a. Búsetuvottorðs
- b. Heilbrigðisvottorðs
- c. Samþykkis allra heimilismanna eldri en 15 ára fyrir því að sveitarfélagið afli upplýsinga úr sakaskrá.
- d. Samþykkis stuðningsfjölskyldu fyrir því að heimilt sé að leita upplýsinga um stuðningsfjölskyldu og aðbúnað á heimili hennar frá öðrum aðilum, svo sem vinnuveitendum, félagsþjónustum annarra sveitarfélaga eða heilbrigðisfulltrúa.
- e. Staðfestingar um að eldvarnir á heimilinum séu fullnægjandi.
- f. Yfirlit um reynslu og fyrri störf.
- g. Upplýsingar um önnur leyfi eða verkefni fyrir fötluð börn eða samkvæmt barnaverndarlögum.

6.gr.

Umsóknir og svör við umsóknum

Umsækjendur skulu senda félagsþjónustu í sínu lögheimilissveitarfélagi umsóknir um þjónustu stuðningsfjölskyldu og leyfi til að gerast stuðningsfjölskylda.

Félagsþjónusta í lögheimilissveitarfélagi þess sem óskar eftir þjónustunni skal svara umsókn skriflega innan sex vikna frá því hún berst.

Kynna skal umsækjanda skriflega niðurstöðu umsóknar svo fljótt sem kostur er. Sé umsókn hafnað í heild eða að hluta skulu forsendur synjunar rökstuddar. Ef umsókn er sett á biðlista skal umsækjanda tilkynnt um það.

7.gr.

Form samnings og samningsfjárhæðir

Um dvöl barns hjá stuðningsfjölskyldu skal alltaf gerður samningur. Samningur er einnig gerður ef stuðningsfjölskylda er fengin fyrir fatlað fólk eldri en 18 ára og ef fengin er stuðningsfjölskylda við fatlaða foreldra. Heimilt er að gera skemmri samning þ.e í þrjá mánuði í nýjum samningum.

Samningsfjárhæð tekur almennt mið af þjónustu sem veitt er í sólahringum eða í klukkustundum sem tekur mið að fötlunarflokki þess sem þjónustuna nýtur.

Samningstímabil tengist úttekt á framkvæmd þjónustunnar sem skal eiga sé stað eigi sjaldnar en á tólf mánaða fresti. Stuðningsfjölskylda skal leggja fram yfirlit yfir dvöl barns og nokkur atriði um hvað gert var með barninu hverju sinni. Samningur getur lengst sjálfkrafa, en er uppseggjanlegur með þriggja mánaða fyrirvara beggja samningsaðila. Sé samningurinn á grundvelli leyfis, fellur hann úr gildi um leið og leyfið. Heimilt er að rifta samningi ef forsendur ákvörðunar samningsins eða leyfis bresta.

8.gr.

Form greiðslna

Forsvarsmáður stuðningsfjölskyldu fær greitt samkvæmt verksamningi sem gerður er við félagsþjónustu sveitarfélagsins. Stuðningsfjölskylda getur dregið frá skattskyldum greiðslum kostnað samkvæmt reglum ríkisskattstjóra.

9.gr.

Tryggingar og tengd atriði

Leyfishafi skal hafa lögbundnar tryggingar og æskilegt er að leyfishafi sé með heimilistryggingu.

10.gr.

Upplýsingamiðlun og eftirlit.

Stuðningsfjölskylda ber ábyrgð á því að upplýsa starfsmann félagsþjónustunnar í sveitarfélagi barnsins og forráðamenn þess um allt það sem upp kemur meðan á dvöl stendur og gæti haft áhrif á líðan þess. Stuðningsfjölskylda veitir munnlegar upplýsingar til foreldra eftir hverja dvöl. Sé samskiptabók notuð til upplýsingamiðlunar skal stuðningsfjölskylda skrá í hana óski foreldrar þess.

Stuðningsfjölskylda skilar inn vinnuskýrslum til félagsþjónustunnar samkvæmt samningi.

Stuðningsfjölskylda og forráðamenn barnsins gangast undir þagnarheit varðandi upplýsingar um barnið og fjölskylduhagi hvors annars. Þagnarskyldan helst eftir að dvöl líkur eða þegar samningur rennur út.

11. gr.

Málskotsréttur.

Umsækjandi getur skotið ákvörðun félagsþjónustunnar til úrskurðarnefndar um félagsþjónustu og húsnæðismál í velferðarráðuneytinu, Hafnarhúsinu v/Tryggvagötu. Skal það gert innan þriggja mánaða frá því að tilkynning barst um ákvörðunina.

12. gr.

Heimildir til ákvarðana samkvæmt reglum þessum.

Starfsmenn félagsþjónustunnar taka ákvarðanir samkvæmt reglum þessum í umboði félagsmálanefndar.

13.gr.

Endurskoðun.

Reglur þessar skulu endurskoðaðar á tveggja ára fresti eða oftár að teknu tilliti til þjónustu- og gæðaviðmiða.

14.gr.

Gildistaka.

Reglur þessar sem gerðar eru af þjónusturáði Suðurlands í málefnum fatlaðra og byggja á leiðbeinandi reglum Velferðarráðuneytisins frá 24.janúar 2012. Þær öðlast gildi þann 06.september 2012.